

REGLUGERÐ

**um breytingu á reglugerð um söfnun og endurvinnslu einnota umbúða
fyrir drykkjarvörur og skilagjald á drykkjarvörur í einnota
umbúðum nr. 358/1990, ásamt reglugerðarbreytingu nr. 177/1991.**

1. gr.

1. gr. í reglugerð nr. 177 frá 18. apríl 1991 orðast svo:

Gjaldskylda.

Gjaldskylda skv. 1. gr. nær til allra drykkjarvara í einnota umbúðum, sem fluttar eru til landsins eða eru framleiddar eða átappaðar hér á landi og flokkast undir vöruliði 2201, 2202, 2203, 2204, 2205, 2206 og 2208 í viðauka I við tollalög nr. 55/1987.

Undanþegið er þó vatn, eingöngu til notkunar í björgunarbáta, enda sé það virðurkennt af Siglingamálstofnun ríkisins.

Drykkjarvörur, sem seldar eru úr landi, eru ekki gjaldskyldar.

Við flokkun til gjaldskyldu skv. reglugerð þessari skal fylgt flokkunarreglum tollalaga nr. 55/1987, með áorðnum breytingum skv. lögum nr. 96/1987 og auglýsingum nr. 12/1988 og 96/1988.

Ákvæði tollalaga gilda jafnframt um úrskurðarvald í ágreiningsmálum um tollflokkun drykkjarvara.

2. gr.

5. gr. í reglugerð nr. 358 frá 31. ágúst 1990 orðast svo:

Gjaldskyldir aðilar.

Þeim, sem framleiða eða tappa á skilagjaldsskyldum drykkjarvörum innanlands, ber skylda til að greiða skilagjald og umsýsluþóknun af framleiðslu sinni og standa skil á því í ríkissjóð. Þó skal Áfengis- og tóbaksverslun ríkisins sjá um greiðslu skilagjalds og umsýsluþóknunar af sölu innlendrar framleiðslu öls og áfengis á vegum fyrirtækisins, og standa skil á því í ríkissjóð.

Skilagjald og umsýsluþóknun mynda ekki gjaldstofn við álagningu vörugjalds eða annarra sambærilegra framleiðslugjalda. Gjöldin mynda hins vegar stofn til virðisaukaskatts.

3. gr.

8. gr. í reglugerð nr. 358 frá 31. ágúst 1990 orðast svo:

Innheimta og endurgreiðsla.

Skilagjald og umsýsluþóknun skal greiða í ríkissjóð, er síðan ráðstafar umsýsluþóknuninni, skilagjaldinu og virðisaukaskatti af því jafnskjótt og við verður komið til Endurvinnslunnar hf., hlutafélags sem stofnað var skv. 2. gr. laga nr. 52/1989. Endurvinnslan hf. skal sjá um að skilagjaldið verði endurgreitt neytendum ásamt virðisaukaskatti af því við móttöku á notuðum skilagjaldsskyldum umbúðum. Skal endurgreiðslan þannig nema samtals 6,00 krónum á hverja umbúðareiningu. Þó skal endurgreiðsla skilagjalds af umbúðum sem flokkast í vöruliði 2204, 2205, 2206 og 2208, ekki hefjast fyrr en 1. september 1991. Á sama hátt skal greiða samsvarandi gjald til einstaklinga, fyrirtækja eða félagasamtaka, sem taka að sér að safna slíkum umbúðum til eyðingar eða endurvinnslu.

4. gr.

Reglugerð þessi er sett samkvæmt heimild í lögum nr. 52/1989 og öðlast þegar gildi.

Umhverfisstjórnuneytið, 21. maí 1991.

Eiður Guðnason.

Sigurbjörg Sæmundsdóttir.

VIÐAUKI

við reglugerð nr. 474 2. desember 1990 um grásleppuveiðar.

1. gr.

Þrátt fyrir ákvæði 4. gr. skal leyfilegur veiðitími á svæðum tilgreindum í lið a., b. og c. standa til og með 5. ágúst, á svæði tilgreindu í lið d. til og með 16. júlí, á svæði tilgreindu í lið e. til og með 26. júní og á svæði tilgreindu í f. lið til og með 6. júlí.

2. gr.

Reglugerð þessi er sett samkvæmt ákvæðum laga nr. 38 15. maí 1990, um stjórn fiskveiða til að öðlast þegar gildi og birtist til eftirbreytni öllum þeim, sem hlut eiga að máli.

Sjávarútvegsráðuneytið, 5. júní 1991.

F. h. r.

Jón B. Jónasson.

Pröstur Eyþórsson.

REGLUGERÐ

**um breytingu á reglugerð um gjöld fyrir raffangaprófun Rafmagns-
eftirlits ríkisins, nr. 497, 19. desember 1990.**

Við reglugerðina bætist ákvæði til bráðabirgða svohljóðandi:

Á tímabilinu 1. júní – 31. desember 1991 skal skráningargjald skv. I. lið gjaldskrárinnar verða sem hér segir:

	Taxti	Gjald
Skráningargjald	0.5	500

Íhlutir í skráð raftæki sem ætlaðir eru sem varahlutir eru undanþegnir sjálfstæðri skráningu nema um öryggisbúnað sé að ræða.

Iðnaðarráðuneytið, 3. júní 1991.

F. h. r.

Björn Friðfinnsson.

Guðrún Skúladóttir.